



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. CIII. Maxima Sacris Religione adesse debent.

urn:nbn:de:hbz:466:1-42349

Qui solus
sapit, nec
quicquam
sapit.

250

De sacrosancto

Congredi me Lectores intelligant cum ea opinione, qua Romanus Antichristus & eius Prophetæ totum orbem imbuerunt. Et infra f. 18. Hæc sententia quod Missa sit sacrificium, inebriant omnes Reges terræ & populos à summo vsq; ad nouissimum. Ecce Lector: Ismael homo ferus manus eius contra omnes, & manns omnium contra eum, Gen. 16. v. 12.

C A P. CIII.

MAXIMA SACRIS RELIGIONE
adesse debent.

§. **Q**uanta verò demissione, reuerentia, ac pietate tremendis his mysteriis p'sentes esse debeāt potius ab Angelis discant quàm hominib. Per id tempus, ait Ioannes Chrysostomus lib. 6. de Sacerd. & Angeli Sacerdoti assistent, & celestium potestatum vniuersus ordo clamores excitat, & locus altari vicinus in illius honorem, qui immolatur Angelorum choris plenus est. Id quod credere abundè licet vel ex tacito illo sacrificio, quod tum peragitur. Fulgentibus vestibus induti, capite inclinati, veluti milites præsente Rege stant, altare circundant. Et hom. 1. de verbis Isaia cap. 6. Vidi Dominum. Non cogitas, quod Angeli huic stupendè assistunt mensa cumq; reuerentia hanc circumuallant? Et hom. 3. de incomprehen. Dei natura: Tempore illo mi frater carissime, non solum homines clamorem illum horribilem reddunt, sed etiam Angeli Domino genua flectunt, & Archangeli rogant, habent sibi tempus id idoneum, habent sacram illam oblationem in fauore. Itaq; ipsum corpus Domini protendentes rogant pro genere humano, quasi dicant: Pro his Domine rogamus, quos tu ita dilexisti, vt pro eorum salute mortem obires, & animam in cruce efflares: pro his supplicamus, pro quibus ipsis tuum largitus es sanguinem: pro his oramus, pro quibus corpus hoc immolasti.

§. S. Nilus

§. S. Nilus epistola ad Anast. Episcopum tom. 3. Bibl. SS. Patrum, sæpe vidit in Ecclesia S. Ioannes Chrys. Angelos, sed maxime tempore sacrificii: itaq; admiratione, & letitia plenus, amicis multum spiritalibus seorsum narrabat quemadmodum, cum Sacerdos sanctam oblationem facere inciperet, plurimi Angeli e caelo lapsi, splendidissimis stolis induti, nudo pede, aspectu intento, vultu demisso circumstantes altare magna reuerentia, quiete ac silentio vsq; ad mysterii consummationem assisterent: deinde discurrentes huc atq; illuc per totam Ecclesiam Episcopos ac Presbyteros, qui corpus ac sanguinem distribuunt, adiuvant & corroborant. Hac scribo, vt intelligentes, quanti timoris sit diuina Missa, nec ipsi remissi timorem Dei negligatis, nec illos alios loqui aut musitare tempore oblationis, neq; inuicere audacter, aut à statu grauitatis demoueri, neq; huc atq; illuc circumspicere, aut ignauè & disperse nugari permittatis, dicit enim Dominus Moysi, ac per eum omnibus Sacerdotibus. Facite filios Dei reuerentes & non contempores.

C A P. CIV.

*FREQUENS COMMVNIO
utilissima.*

§. **Q**uotidianæ Sacri auditioni crebram adiungant communionem Conc. Trident. sess. 22. cap. 6. Optat: sacrosancta Synodus, inquit, vt in singulis Missis fideles affantes, non solum spiritali affectu, sed sacramentali etiam Eucharistie perceptione communicarent, quo ad eos Sanctissimi huius sacrificii fructus vberius proueniret. Si hoc optat in Laicis quanto magis in Clericis. Sanè id Apostolorum tempore moris fuit. Vnde & S. Clemens lib. 2. Apostolicarum Const. c. 61. Postquam oblatum fuerit sacrificium accipiant singuli per se ordine Dominicum corpus & pretiosum sanguinem gradatim cum pudore ac timore tanquam ad regis corpus accedentes. Mulieres quoq; relato capite, &c.

§. Sacrae